

Mir Kendr von dr Hummel-Schul
Send emr lustig, emmer kuhl
D'Schul macht Spaß, manchmol au it
Ond trotzdem kommet älle mit

Et nedig eigentlich wärs gsei
Dass ihr herkommt mit viel Gschrei
Weil Narra gnuag es bei uns geit
Ond närrisch s' zugoht älle Zeit.

Bei uns wird fleißig integriert
Hummler ond Kästner zsammagrührt
Inklusion soll künftig sei
D' Kendr schlau send von alei.

Schulscharf werdet Lehrer gsucht
Erfolge werden stolz verbucht
Der Neubau nebenher entsteht
Dr Reisch do schafft von früh bis spät

Hektor Kinderakademie

So was gab es früher nie.

Do kommt aus am ganze Kreis

Genies und holet mancha Preis.

Haufa Kendr, haufa Lehrer

Jeder Lehrer hot Verehrer

Ond di Lehrer möget d'Kendr

Di schlaue on di a weng mendr

Schulsozial- und Lernbegleiter

Leseomas, Blätterschneider,

Betreuungsangebot ohn Zahl

Die Kendr hend die Qual der Wahl

Von schene Füx des Wenterfell

Pelzdeifel laufet niemals schnell

Di arme Fix ganz naggig frirat

Die Pelzdeifel des gar it rühret.

Dorausschreier, Korb mit Loch,
Sieht ma viel in dieser Woch
D' Kendr freits mit ui zu laufa
Am Sonntag it om Bombo raufa

Riedhutzla send an Haufa do
Schuh hend se oft aus gelbem Stroh
Se gucket wüst und lachet schrill
Ond Bledsenn machet se ganz viel

Em Gewand vom Blomanärrle
Stecket meistens koine Kerle
Freindlich tut ihr Larva schaua
Dene ka ma stets vertraua

Sptzmäula sieh i do au no
Hell ihr Gsicht ond emmer froh
Fröhlich schauet se stets drein
Sie anzuschauen freut groß ond klein.

Zennamacher au it faul
Hänget Zonga aus em Maul
Drehat d'Auga ganz noch oba
Den Schnitzer muaß ma weidle loba.

D'Zunfträt sott ma no erwähna
D'Bittel au mit ihre Mähna
Se gucket das des alles lauft
Ond koiner bei am Omzug springt

Dr Adam begleitet vom Nachtwächter ischt
Dr Adam aussieht wirklich wüsch
A Bäumle hend se au dabei
Se freiat sich aufs Kendrgschrei.

Schülerbefreiung isch was rechts,
das morga frei isch, au nix schlechts.
Hexasetza soll heit sei
Drom Schluss jetzt mit dr Reimerei.